

BUYUK VA MUQADDASAN, MUSTAQIL VATAN

M.Jumayev

Sahnaga kirish yo‘laklari bezatilgan, karnay – surnay, doira sho‘x sadolari mehmonlarni bayramga chorlab turibdi. Ma’naviyat maydoni bayramona bezatilgan. O‘zbekiston Respublikasi bayrog‘i maydon to‘rida hilpirab turibdi. Sahna markaziga o‘rnatilgan so‘zana, O‘zbekiston gerbi e’tiborni tortadi. Oromgoh hududida “O‘zbekiston vatanim manim” rasm ko‘rik tanlovi, “Mehrimga senga – mening Vatanim” ishlanmalar ko‘rik tanlovlari tashkillashtirilgan. Maydon atrofiga mehmonlar, kichkintoylar va ota – onalar uchun joylar hozirlangan. Sahnaga boshlovchilar musiqa sadolari ostida chiqib kelishadi.

1-Boshlovchi:

Assalom, O‘zbekim, ozod Turonim,
Mustaqil diyorum O‘zbekistonim.
Kelajagi buyuk ulug‘ diyorsan,
O‘zingga xon-sanu, o‘zingga beksan.
Istiqloling muborak, senga, Vatanim
O‘z erking muborak, buyuk Turonim

Assalomu alaykum hurmatli mehmonlar, aziz bolajonlar! Bugun Mustaqilligimizning 24 yillik bayramini nishonlash uchun yig‘ilganmiz. Bu bayramni tinch – totuv yashayotgan xalqimiz zo‘r hursandchilik bilan kutib olayapti. Sizlarni ----- jamoasi va tarbiyalanuvchilari gullab yashnayotgan O‘zbekistonning mustaqillik bayrami bilan muborakbod etamiz.

2-Boshlovchi: Tabrik uchun so‘z -----ga

Raqs: “O‘zbekiston”

1-Boshlovchi:

Bugun bayram tantana,
Jaranglar sho‘x sadolar.
Istiqlol yulduzlari,
Biz ijodkor bolalar.

2-Boshlovchi:

Yasha Vatan, hur Vatan,
Dunyoga mashhur, Vatan.
Istiqlolga erishding,
Davru – davron sur Vatan.

1-Boshlovchi:

Daryolar, dengizlar, tog‘larga makon,
Bog‘lari, chamani oltinglarga kon,
Bir go‘zal diyor bor: cho‘llari bo‘ston,
Sharqimning mash’ali, sen, O‘zbekiston!

2-Boshlovchi: Bayram qatnashchilarini hushnud qilish uchun navbat qo‘shiqqa.

Qo‘shiq: “Vatanim”

Chaman, chaman gullarga,
Sayroqi bulbullarga,
Toshqin daryo, soylarga,
Joydir go‘zal Vatanim.

Ko‘kni quchgan uylarga,
Baxt keltirgan to‘ylarga,
Quvnoq va sho‘x kuylarga,
Boydir go‘zal Vatanim.

Porlar g‘olib bayrog‘ing,
Kundek yorug‘ chirog‘ing,
Boylikka kon har yog‘ing,
Boy bo‘l go‘zal Vatanim.

1-Boshlovchi:

Mustaqil O‘zbekiston,
Baxtiyorlar o‘lkasi.
Raqqosalar raqsi bu,
“Andijonning polkasi”

Raqs: “Andijon polkasi”

She’r:
Mustaqillik degani,
Bilib qo‘y ne degani,
Eng avval mustaqillik,
Erkin-ozod degani.

Xalqlarimiz ahil bo‘lsa,
Mustahkamdir yurtimiz.
Bolajonlar ahil bo‘lsa,
Bajarilar burchimiz bizning, burchimiz.

2-Boshlovchi:

Bugun o‘zbek xalqining asrlar osha orzusi bo‘lib kelgan Mustaqillik kuni arafasida yig‘ildik. Mana, salkam 24 yildirki, xalqimiz hur, ozod, erkin diyorda yashash zavqini surmoqda. Ushbu ulug‘ ayyom bilan tabriklash uchun go‘zal tariximiz sahifalaridan ardoqli va buyuk siymolar ham tashrif buyurishgan.

Amir Temur:

Bolalarim, men har mamlakatda adolat eshigini ochdim, har mamlakatning yaxshi kishilariga ezguliklar qildim. Nafsi yomon, axloqsiz odamlarni mamlakat sarhadlaridan

quvib chiqardim. “O‘g‘illarim millatning ulug‘ martabasini, oliy saodatini saqlamoq uchun adolat va ozodlik muqaddas dasturingiz bo‘lsin”

Alisher Navoiy:

Shohu toju hilqatiy kim
Men tamosho qilg‘ali
O‘zbekim boshida qalpoq

Ya‘ni, men doppili o‘zbekimga xuddi toj kiyib zarrin libosga o‘ralgan shohga qaragandek quvonib tikilaman.

Alpomish va Barchinoy

Barchinoy:

O‘zbek elining o‘g‘loni,
Alpomish avlodlari,
Ta‘zim aylan sizlarga,
Bahodirlar sultoni.

Alpomish:

O‘zbek qizi Barchinoy,
Go‘zalligi hilol-oy.
Birga qo‘shiq kuylaylik,
Yurtim ohanglarga boy.

1-Boshlovchi: Marhamat mehmonlar, bu yerga o‘tiringlar.

Raqs: “Lashkar”

2-Boshlovchi: Bolajonlar (bolalar sahnaga yugurib chiqadilar)

1-Boshlovchi: Bu bayram ajoyibotlarga boy sehlidir

Bolalar: Uning sehri nimada?

1-Boshlovchi: Bu bayramda ijodini namoyon etgan har bir bolajon o‘z orzusiga yetar ekan. Bolajonlar, sizning ham orzuvingiz bormi?

Bolalar: Albatta

1-Qiz:

Men-chi men katta bo‘lsam,
Mohir chevar bo‘laman.
O‘zbekimning doppisini
Qoyil qilib tikaman.

2- Bola:

Sport bilan do‘stlashib
Kuch – quvvatga to‘laman
Kelajakda men jahon
Chempioni bo‘laman

3- Qiz:

Raqs mening jon-u dilim,
O‘ynab katta bo‘laman
Mukarrama, Tamaraxon
Avlodlari bo‘laman

4- Bola:

Men esa jasur, ziyrak,
Yengilmas chegarachi.

Raqs: “Lazgi”

1-Boshlovchi: Oromgoh bolalari har xil sport turlari bilan shug‘ullanib kelmoqdalar. Ular yurtimizning bo‘lajak jahon chempionlari. Bugun bizni bayram bilan tabriklash uchun o‘z chiqishlarini namoyish etadilar, marhamat kutib oling.

Raqs: “Shodiyona”

Sahna: Birdan paq etgan tovush eshitilib, maydon burchagidagi bo‘y barobar xumdan jin chiqib keladi.

2-Boshlovchi: Voy, nima bo‘ldi. Bu kim bo‘ldi bolalar, taniysizlarmi?!

Bolalar: Bu jin? – Assalomu alaykum jin amaki.

Jin: Meni ko‘p yillardan beri shu xumga solib qo‘yishgan edi. Bayramingizda millatingizni, ozodligini kuylab she‘r, qo‘shiq aytib turganingizda qayerdandir menga sehrli kuch keldi-yu, shu xumdan qutulib chiqdim. Hursandchilik qilishingiz menga shunday ta‘sir qildi-ki, men ham ozod, mustaqil yashagim keldi. Endi men odamlarga ko‘za, lagan, o‘yinchoqlar yasab, ularni hursand qilmoqchiman.

1-Boshlovchi: Barakalla jin! Seni ozod bo‘lganing bilan tabriklaymiz. Sen uchun bolalarimiz qo‘shiq va raqslarini ijro etishadi.

Raqs: “Gruzincha”

She‘r:

Bola:

Bugun bizlar barkamol avlod
Shu Vatanning suyanch ardog‘i
Azim chinor bo‘lsa gar Vatan
Bizlar uning ko‘rki ya‘rog‘i

Bola:

Biz hech kimdan kam bo‘lmaymiz,
Kam bo‘lmaymiz, illo, hech qachon.
Biz bir tanmiz sobit qadammiz,
Ortimizda Vatan jonajon.

Bola:

Biz barkamol, o'ktam avlodmiz,
Kelajagi buyuk davlatmiz

2-Boshlovchi: Bugun yurtimizning 24 – yillik bayrami turli millat vakillari sizlarni tabriklash uchun tashrif buyurishgan. Endigi navbatni ularga bersak.

Sahna:

Fonagramma: chaqaloq yig'isi eshitiladi. Hasan va Zuhra chaqaloqlarni sahnaga olib chiqadilar.

1-Boshlovchi: 1991 yil, 1 sentabr kuni mahallamizda egiz chaqaloqlar dunyoga keldi. Oylar, yillar o'tib chaqaloqlarimiz 2 yoshga to'lishdi va "Oqibat" mahallamizdagi 552-bog'chaga yo'l olishdi. Ularni MTMning ilk yosh guruhiga qabul qilishdi. (Bolalar bog'chada o'ynashayotgani tushirilgan rasm banneri ko'rsatiladi) Bog'chada ta'lim – tarbiya olib, aqlni charxlab, zehni rivojlantirib sog'lom avlod maktab tomon yo'l olishdi.

2-Boshlovchi: maktabda ilm – fanni puhta egallab kollej va oliy o'quv yurtlariga yo'l olishadi. (Bolalar maktabda o'qiyotgani tushirilgan rasm banneri ko'rsatiladi)

1-Boshlovchi: Mustaqilligimiz sharofati bilan bizning Hasan chet elda ya'ni Londonda o'qish huquqiga ega bo'ldi. Zuhraxon esa yosh avlodga ta'lim va tarbiya berish uchun Nizomiy nomidagi Toshkent Davlat pedagogika Universiteti talabasi bo'ldi. (Bolalar chet elda, oliy o'quv yurtlarida tahsil olayotganlari tushirilgan rasm banneri ko'rsatiladi)

2-Boshlovchi: Oradan 4 yil o'tdi.

1-bola: Mastura ona, suyunchi bering, Hasan akamdan, Londondan xat keldi. Mastura ona xatni qo'lga olib o'qiydi. (Maktub matni boshlovchi tomonidan o'qiladi)

Assalomu alaykum, onajon! Sog'liqlaringiz yaxshimi, sog' salomatmisiz? Singlim Zuhraxon yaxshimi? Mahalla - ko'y, qo'ni – qo'shnilar, qarindosh - urug'lar - hammalari sog' – salomatmilar? Onajon, men huquqshunoslik diplomini oldim, erta – indin O'zbekistonga qaytyapman. Men sizga, ona yurtimga va yurtboshimizga ta'zim qilaman. Menga shunday shart – sharoit yaratib berganligingizdan cheksiz minnatdorman. Kelajakda ona yurtimga, yurtboshimizga sidqidildan xizmat qilishga tayyorman. Prezidentimiz biz yoshlarni qo'llab – quvvatlab kelayotgani bu bizning eng katta yutug'mizdir. Shuning uchun men o'sib kelayotgan uka – singillarimga aytar so'zim o'qing, bilim oling, biz yoshlarga yaratib berilgan imkoniyatlardan unumli foydalaning, deb qolaman. Men sizlarni va ona yurtimni judayam sog'indim. Barcha yaqinlarimizga salom ayting. Uchrashguncha xayr. Salom bilan o'g'lingiz Hasan!

Zuhraxon: Onajon, onajon! Assalomu alaykum meni tabriklang onajon. Men Zulfiya nomidagi davlat mukofoti sovrindori bo'ldim. Bundan juda hursandman. Men o'z ona yurtimdan, yurtboshimiz I.A. Karimov mana shunday Zulfiya mukofotini ta'sis etganlaridan juda minnatdorman va hamisha xizmatlariga tayyorman.

Mastura ona: Ollohga beadam shukur, bugun men uchun qo'shaloq bayram. Hozirgina Londondan, akangdan xat oldim. Akang huquqshunoslik diplomini olib, erta – indin O'zbekistonga, uyga qaytayotgan ekan. Men yoshlarga shunday imkon yaratib bergan yurtboshimiz doim sog' – omon, boshimizda soyabon bo'lib yursin deyman.

2-Boshlovchi: Raqs: "Eski shahar"

Jin: Rahmat, sizlarga. Meni oxirgi bir sehim qoldi, uni sizlarga sovg'a qilmoqchiman. Hammangizni sehirli bayram dasturxoniga taklif qilaman.

1-Boshlovchi: Mustaqilligimizning 24 – yilligiga bag'ishlangan bayram kechamiz o'z nihoyasiga yetdi. Sizlarga tinchlik – totuvlik, sog'lik – salomatlik, baxt va omad tilaymiz. Osmonimiz doimo musaffo bo'lsin.